

# Powšitkowne WOZJEWJENJA

njedźelu, 05. julija 2026

## **Nabožne wusyłanja w serbskim rozhłosu**

Katolske nabožne wusyłanje w Serbskim rozhłosu MDR ma tutu njedźelu, 5. julija, farar Gerat Warnar z Baćonja. Wotkaz na nabožne wusyłanje w mediatece MDR je pod [www.posol.de](http://www.posol.de) podaty.

## **Nóc tysac swěčkow**

Křesćansko-socialny kubłanski skutk Sakska z.t. (CSB) přeprosny wšitkich na „Nóc tysac swěčkow“, kiž wotměje so sobotu 18. julija, wot 19.00 hodź. na zelowej zahrodze klóštra Marijineje hwězdy w Pančicach-Kukowje. Hač do zaswěćenja swěčkow poskića jědź a napoje, kaž tež pisany program na jewišću. Mjez druhim wustupitej „Duo Helena & Jan“ a rejowanska skupina „Łužičanska rapsodija“. Zastupne lisćiki su online na předaň. Wotkaz je pod [www.posol.de](http://www.posol.de) podaty.

## **Kulinariski a hudźbny wječor w klóšterskej zahrodze**

Wječor za wšitke zmysły wočakuje wobdźělnikow dalšeho zarjadowanja w rjedze „Prijomnosć & kultura“ srjedu, 8. julija, w 19.00 hodź. Wone budže w klóšterskej zahrodze Marijineje hwězdy, hdžež wěnuja so kulinariskim sezonowym specialitam. Skupina „da & da“ Acoustic-Duo and friends z Danielu Hazec, Darekom Kirilovom a Maxom Schneiderom z Worklec wječor hudźbnje wobrubu. Zastupne lisćiki płaća w předpředani 25,00 eurow a při wječornej kasy 29,00 eurow. Zajimcy dóstanu je w klóšterskej zahrodze a w klóšterskim wobchodze. Zdobom móža sej je pola Sonje Hejdušcyneje skazać, telefonowe čisło (03 57 96) 9 71 30, abo z mejlku na [sonja.heiduschka@csb-miltitz.de](mailto:sonja.heiduschka@csb-miltitz.de).

## **Změna serbskich kemšow Drježdžanach**

Planowana serbskorěčna Boža mša w Drježdžanskej cyrkwi swjateho Antonija na Bünauskej 10 tutu njedźelu, 28. junija, organizatoriskich přičin dla njeje. Wona budže hakle njedźelu, 19. julija, w 16.00 hodź. Přizamknje so bjesada ze swačinu. Wšitcy Drježdžanscy Serbja a jich přećeljo, wosebje tež młodži, su wutrobnje přeprošeni.

## **Wulět dekanatneje młodžiny**

Serbska dekanatna młodžina je tež lětsa na zhromadny wulět přeprošena, kotryž budže njedźelu, 13. septembra. Přeprošeni su tohorunja młodostni wot přichodneho 9. lětnika. Planowane je z busom do Sprjowjow (Sprey) pola Hamora jěć, hdžež budže zhromadny nyšpor w tamnišej cyrkwi. Přizamknje so čołnikowanje z Čelna do Noweho města/Sprjewja. Tam wulět z grilowanjom wuklinči. Wotjězd busow budže w 12.00 hodź., mjez druhim z Kulowa kaž tež Chróscic a potom wotpowědnje přizjewjenjow po wsach. Młodostni nawróća so wokoło 19.30 hodź. Přinošk wučinja na wobdźělnika 25,00 eurow, čłonojo serbskeho dekanatneho kružka kaž tež wobsedzerjo karty JULEICA płaća pjeć eurow. Zajimcy měli so hač do pónđzele, 10. awgusta, online přizjewić. Link je pod [www.posol.de](http://www.posol.de) wozjewjeny.